

妙
香
齋
詩
集

妙香齋詩集卷之三

古琅邪趙德懋荆園著



嘉翔

同校

五華山謁武侯祠

渡瀘深入溯前勳上戰攻心自昔聞要識七擒方七縱早
從三顧定三分綸巾羽扇瞻遺像薜碣苔碑勒漢文松柏
森森清古廟五華高處自風雲

赴安甯任

遲遲迤西道我行猶未已計過碧雞關相隔更幾里山城
大如斗影在諸峰裏太極踞其巔堂川經其址連然富鹽
井綆汲每懷恥儀衛相導引作吏今伊始稽首荷君恩升
堂肅容止六計先尙廉五斗奚足齒小大必以情哀矜而
勿喜惟求寸心安何慮千夫指召杜今不作循良標青史
父母非虛名歌詩慕樂只

刈稻行

天風拂動杭稻熟穎粟垂垂香味足移時不登憂朽止秋
霜摧殘萬畝綠東作西成莫後時腰鎌荷擔刈新穀此疆

爾界看分明主伯亞旅共追逐春蠶食葉聲細細輕刀裁
葛聽謾謾沾體塗足各殫勞或在陂澤或平陸芒刃無頓
纔鋪地細草綢繆漸盈束遺秉滯穗利及人餘粒仍憑鸚
鵡啄男作女饁款款來壺有酒漿缶有肉田家風景眞如
畫婦媚士兮士依婦隔澗但聞噲噎聲散步阡陌采野菊
我來勞農嘗旨否野味紛陳總果腹三日五日收穫完千
堆萬堆隴頭曝散之原閒聚之場遠村近落響碌碌盈甯
有慶百室開實可充倉秧補屋良夜月明穠穠勤新米出
房美如玉擊鼓迎神八蜡通回首豈負操蹠祝烹羊炰羔

洽比鄰閭閻悉荷明昭福好樂無荒逢今夕于耜舉趾若
轉燭且喜吾民知急公解囊完租義不辱

富民縣署中晚成

冰署客高臥更深酒乍醒窗新明月白室暗晚燈青絡緯
聲連砌梧桐響滿庭鳴笳何處起隱隱入清聽

早回安甯

爽氣逢晴轉晨光處處鮮隨山浮曉日衝霧上炊煙樹靜
聽風過花明看露圓臨流歎逝者會意在堂川

思省中諸同鄉

萍蹤萬里結鄉緣別緒旋因適值率誼篤枌榆皆積素情
偕伯仲莫疑年梧桐葉下三更雨鴻雁聲高九月天回憶
苴蘭名勝地何當同醉菊花邊

禹碑

有敘

卽世傳峒嶺碑也道士曾爲韓文公言之故有干
搽萬索之句實未及親見朱紫陽游衡岳不見此
碑著韓文公攷異遂謂傳聞之誤明州志治張中
丞撫蜀歸出揭本授升菴楊太史訂譯惟四字未
解夜夢神人口授而禹碑自是有全文矣摹於州

之法華寺後石壁余暇時往游見七十七字厯厯不爽亦攷古之一證也

河出圖洛出書靈蹟昭昭溯古初世人少見多所怪每執私意相躊躇神禹治水昏墊拯成賦中邦物象鼎涉湖躋嶽勒蝌蚪有碑屹立視融頂石赤字青誇當時昌黎紫陽兩傳疑韓旣信耳朱信目千搽萬索不可期荆南濱南幾千里珍重球琳出片紙奇文欣賞何處尋象形會意楊太史思之思之鬼神通南濱衍亨非鑿空摹就鐫向法華壁鸞飄鳳泊晚照紅

安甯勝景之一卽勒石處

鐵畫銀鈎體勢備文成七

十有七字牽藤剔蘚看分明殷盤周鼓未爲異豐城劍氣
不終藏龜龍蟲蛇勢飛揚會須拂塵印千張元圭反命精
英長他年扁舟過衡陽手執摹本細推詳恍若置身岫樓
旁雜誦洪荒大文章

署中晚成

風從西北來颯颯發清冷寥天絕片雲明月上高嶺拂窗
走龍蛇知是松柏影淡然忘言說撫躬事默省百里愧非
才官箴時自警連然生不辰老弱避災青今幸歌有秋萬
戶反邑井租稅嚴催科時虞虎冠猛素風好武健狡焉更

思逞教養惜無方貽患在四境惻惻而無華作吏須安靜
焉能得民和憂思切耿耿

游法華寺

步楊御
史原韻

招提靜境挹斜曛行盡洛陽

名山

只白雲一曲江流隨澗轉

幾行雁字倩風分拂塵了悟真空界

石佛菴名

別薛摩挲蝌蚪

文

勒禹碑處

憑眺不知歸路晚山僧可許是東君

升菴書院

明修撰楊慎因大禮議謫滇寄迹
安甯著作甚夥有書院在北門內

效忠不見諒長流西南道崎嶇走煙瘴何知山水好連然

寄萍蹤盛名富文藻隨地留題詠聊以抒懷抱祝融峰上

碑蝌蚪費幽討講學課生徒數椽經創造成客今已矣

址長蔓草片隅自乞靈新都迹未埽偶過浴德

北門路軼名

事可尙攷傷心左順門感慨錦江島大義羞張桂豈悔見
不早至今半畝宮應共葱山老眷言議禮人怒焉心如擣

同鄉王大姚七丁公墓公晚酌

開尊嫌夜短朋飲意如何萬里鄉情重三秋別緒多誰人
離宦海我輩善齊歌樂酒逢今夕歡呼不計他

王文襄公祠

俎豆發馨香司徒貽澤長勳應推一范業不讓三楊奏議

榮前史春秋祀故鄉西南誰第一仰止有輝光

讀茶花詩因賦七絕八首

不讓芳梅獨占時含苞漸吐應冬期山茶自是西南好有

客曾題百韻詩

巡按鄧漢

除卻珊瑚擬未工吹噓從不借東風錦張繡布晴雲裏幾

樹茶花映日紅

茶花冬開

北地曾聞七絕名閒從閱歷識眞評頓教桃李無顏色一

片霞光接赤城

紫紅色多

蒼松翠柏閒冬青獨對名花坐小亭折到一枝供玩賞十

分春色列雲屏

葉凌冬不彫

蟠根拔地出山家雲錦成堆入望賒別有丰姿姍秀骨端

妍妒煞杜鵑花

二芳記以杜鵑配山茶

衝寒迎暖歷時長偶逐狂風出短牆著地猶存眞面目葵

心未許獨傾陽

茶花落皆面上

看花何處最關心謝絕芳菲空谷音羣玉山頭留半面攜

筇愛向雪中尋

花有純白一種

好句如仙自不刊連然風景亞苴蘭偶然吟賞多疏漏還

取遺編子細看

茶花以省城爲最

詠陳貞女

步鄴公原韻

莫道江川獨擅奇

先時江川有許貞女

荳蘭人賦女貞詩
蔦蘿附施

歸長夢燈火辛動向短籬妝卸鉛華孤鏡掩性安蠲纒兩

姑知他年不負輶軒采孤雁高飛仰羽儀

水中金錢

湯池中石上列有金錢或單或疊歷歷可見出水則無亦一奇也

注目湯池裏金錢忽自呈沈波看錯落著石見分明造化

氤氲妙陰陽鼓鑄精巧非由匠運形不借模成飲馬何勞

擲探囊未著名靈津留相幻地寶現光晶輪郭追前代源

泉

錢局盛名

大清懷珠川自媚一理可同衡

冬夜

衙鼓頻敲夜色迷青燈明滅雨淒淒空憐冀北嘶風馬旋
聽汝南催曙雞案牘關心詳舊判吟哦寄典試新題梅香
浮動神思倦夢到家山月滿溪

閒居卽境

荒署寬閒敞敞廬惟憑曝暖任乘除清霜侵鬢慚明鏡內
熱消冰讀素書樓外鴻聲聽漸遠窗前松影看疑虛須知
尸位官箴缺高詠伐檀何鑒諸

憶行人到家

南北遙遙各一天孤鴻萬里任翩旋江山不隔回家夢風

雨重催下水船故里睽違經二至

謂夏至冬至

他鄉問訊值期

年

去歲冬由家赴滇

呈留應道翁殊健案牘從容學坐禪

憶家中梅開

十載費栽培庭前幾樹梅遙知霜雪裏依舊向南開

早出西門作

早出洪源

西門名

道徘徊送客行荒山飛細霧曉日透微明

西去經千里東來第一程臨歧各揮手戀戀有餘情

臘朔聞雷

暑往要必繼寒來陰陽升沈一氣催發聲收聲詳戴禮冬
行春令卽爲災昨晚挑燈共小飲隔窗閃閃照銀臺目瞪
舌橋未及語殷殷聲震南山隈入耳驚心昭必變有客頓
落手中杯移時氣定各歎息似此咎徵安在哉惟余睨視
啞然笑諸君何事妄疑猜滇南自昔無寒暑萬紫千紅衝
雪開京房之言此不驗莫以反時事詳推昆池驪龍睡未
穩行雲致雨任去回靈物飛騰百神應導以電光動以雷
萬頃麥豆全借潤仁見卿雲自天開

九言集卷三
早起有感

去歲登程赴愼

臘朔今朝盡驚時別緒牽離鄉真萬里去國恰週年雪霽
文峰日霜清墨沼天案頭存舊錄檢閱尙依然

晏寢

獨對青燈思不禁開尊小酌夜沈沈一簾松影因風動幾
樹梅花待月臨偶檢簿書權國賦俄驚物序碎鄉心衙前
街鼓催更轉勉就繩牀擁敝衾

年近書懷

風煙萬里悵山河迅速光陰耐性過察獄以情防鍛鍊牧

民之政慚催科官閒未覺詩思減歲逼方知酒債多檢點
春衣拚典盡囊中賸有短長歌

早夜赴新街

忙著五更衣倉皇離古寺奔馳不辭勞將以歲吾事四顧
闐無人霜華鋪滿地纖月上東峰周圍鬱蒼翠仄徑隨崖
轉僕從謹銜轡伏軾續殘夢驚心防失墜忽聞曉雞鳴謾
謾松風至涼煙淡欲收晨光漸照霽茅屋颺青帘知是沽
酒肆將欲謀小飲多恐人避吏徘徊憩道旁飽餐朝爽氣

守歲

吏役紛紛早放衙堂前更鼓聽頻拋三人爲眾

時從予非在署內

無伴萬里如歸卽是家歡洽今宵憑柏酒瑞徵隔歲認燈

花牽簾緩步觀乾象北斗闌干望正賒

去安甯作

一樹青松晝亦陰每逢宿靜事閒吟多情惟有枝頭鳥臨

去猶聞送好音

到馬龍任作

行次通泉笑煞人蕭條景色自無倫一琴一鶴家風舊作

吏出來不厭貧

得雨謝神作

水田漠漠野雲飄
冒雨相從過小橋
竊喜滂沱剛竟夜
還欣霖霖恰迎朝
葉垂似帶榮新穀
花發如銀燦早蕎
大德爲師通帝謂
豐年應許荷明昭

思醉軒閒步

在署西偏

閒步西偏愛此亭
簿書暫釋倚雲屏
一灣止水新通漲
四面荒山不斷青
細雨過時魚滄沫
池中有魚花陰轉處鶴梳翎
院中有鶴陶然長醉儂無量
几淨窗明讀道經

詠沼上鶴

如不齊言集卷三
性素耽胎禽寥廓未易致通泉署西偏開廠留餘地藁竹
映清波羽鱗欣所寄中有鬻鬻者往來近水次不與鳶同
飛慣隨鳧共睡丹砂看漸深寒暑經屢易相習漸相忘與
人兩無忌顧影爭趨赴冀哺以糗餌時或摩其頂戛然作
清唳每逢簿書閒調馴適吾意同鶴結良緣芳園日再至
瓜期應有代安忍賦遐棄擬貯之筠籠聊以配琴笥

寫家書

無限關心事臨箋一字無夢魂終不隔夜夜越江湖

誦歐陽前任詩戲賦

歐子風流雅善詩通泉攝篆動經時民情彫敝留圖本役

務殷繁譜竹枝自昔曾聞人唱詠

張公素爲余誦及

於今猶見墨

淋漓

書懸署壁

微吟緩步西園去笑對池荷泛酒卮

喜晴

是月陰雨連縣見行次朝豁然大晴賦以志喜

陰沈光景一朝回驅馬悠悠亦快哉得路不憂山磴滑登

樓

滇肆皆樓居

應喜晚風來龍華寺外

在霑益界

雲初淨交水

霑益舊名

城邊瘴乍開對境頓忘牽別緒新詩裁就自銜杯

爲思醉軒駁賦

有敘

歐陽道瀛公隸湖南攝篆此州以土瘠民貧供役

不休遙憶其先人六一公治滁之日時和歲豐民
樂其樂官亦樂民之樂是以亭記醉翁今徒付之
遐思而已顏之西軒余殊鄙其見之隘也爰賦以
見志

治滁緬昔賢曾以亭爲記年豐民亦和陶然鳴得意前人
不可作高風未易嗣有客牧此州廬陵衍世系詩酒寓性
情豪放良無忌當此彫敝區供頓苦勞勩觴籌人不舉好
會隔夢寐欲酌須行沽杖頭勤會計今人那如古鬱鬱不
得志援筆高題額三言心神寄儂來較後時觸目識姓字

笑君惟褊心大負此韻事
我自行我法銜杯幸有地
士元日惛惛百里付高睡
義不傷官箴豈以貧富易
何當燕嘉賓長歌賦旣醉

義象塚弔古三首

有敘

明季土酋爲亂景東陶土司出兵助順以七象爲
前隊戰之日一象奮進噓霧噴沙大軍乘之遂獲
捷勝回營藥鏃貫鼻越日而死當事者憐之葬之
城北豎表立碑至今土人猶樂道其事云

異獸由來慮齒焚間披軼史溯前聞荒城角下崇封古故

老爭傳象將軍

誰言有死不如生六象無聞一象榮能使逆會羣喪膽北
山道左記干城

非同帷蓋市私恩高塚聊慰義象魂摩蘇剔藤尋舊誅荒
煙憑弔日黃昏

調鶴

仙禽馴習日爲緣借問鄉關路幾千跨汝歸來無繫戀琅
邪自有好林泉

有感

世途閱盡暗傷懷勢利之交一義該刎頸無終情易變
冠有慶計難偕處心愧比鳴皋鶴舉步須防當道豺不怨
不尤何坦蕩睪然高望古爲儕

署中遣興

仰目浮雲盡日過通泉攝篆奈窮何開箱計典嫌衣少展
簿籌還訝債多兩造是非憑判斷一簾風月助吟哦喜無
差務勞迎送坐擁琴書引睡魔

爲桂零門感賦

桂子吾同鄉甲榜官於滇以入分知名會攝篆此州堂舍各有題聯見而

有感受
賦一律

萬里零門客游滇小著名八分追古隸四字辨中聲刻有

譜

放浪惟豪酒疏狂遠俗情至今興古署筆迹尙分明

詠署中白木槿花

木槿榮朱夏迎炎一色開風前含玉蕊月下破冰胎淡後
三春李清先十月梅素絲期共映歷載孰栽培

接差卽境

卓午睡初醒駕言出北嶺迎謁恐後時疏懶常自警小憩
古道旁新禾發連穎有風自西來颯颯含清冷忽聞雷作
聲油雲蔽光景徘徊不能去瞻望幾引領山峽一徑通遙

露輿葢影捧刺細端詳衣冠須再整束帶還折腰恐蹈客
容猛追隨而無失冀蒙長官省五斗束縛人進退必先請
何當歸故園豪情以自逞

登城望東西二水作

登城環顧意渺然興古角下匯羣川左拂右縈分襟帶始
離終合漾淪漣山爲郭兮河爲池雉堞參差介中邊其一
出自松溪坡井流續入岸漸寬其一出自高坡下經過伯
刻勢益潺恍若飛來兩白龍一氣騰躍隔重淵又若冲起
雙劍氣一色氤氲浮遠天窮流溯源眼底事素練平分夕

陽寒上有不涸之源泉下有不舍之奔湍逶迤蜿蜒達重
關觀水有術必觀瀾學海至海惟洊至極目混混倚闌干
計兒已自鎖遠登舟

細雨斜風去渺然黔山不斷翠如煙重來慣識沅辰路身
在麻陽第幾船

七夕三首

耿耿復迢迢銀河入望遙一泓真萬里終古迄今朝旣見
情無極旋離恨未消長虹何處起疑是鵲成橋

有客乍驚秋荒齋獨倚樓多情憐織女好會紀牽牛天上

期重到人閒歲再週撫時傷獨處延望意悠悠

此恨爲誰牽臨風倍悵然星精期會夜人世別離天龍井

泉名

三更雨雲連

山名

十里烟不堪高望處相隔又經年

憶四官亭荷花

梵宇臨池四面開芙蓉出水淨塵埃憑欄相賞曾竟日陣
陣香風入座來

貢象歌

大清威德日月光絕徼異域共來王獻雉貢獒資重譯牙
獸自昔備南荒羅致有術輸內地片言相要終不易款關

作貢以爲常三年五年定一至屹屹如山迤邐來伐鼓撞
鐘宴筵開登堂一麾羣稽首蠻使獠奴受賞回齒突鼻垂
殊形狀個個猱獠不相讓士女奔走喧若狂大驚小呼滿
街巷我聞在昔天寶年教習舞蹈近歌筵西京一去傷心
甚偏強不拜安祿山又聞夷王宴漢使樂奏象入聽揮指
應節合拍錦繡纏百花樓前自拜起慕義如歸路迢迢詔
綰有典 聖恩高列屋閒居何事太和平門外侍早朝
參養義不惜小費測海占風古無諱惟憑文德來遠人區
區異物豈所貴

南掌國貢使

輸誠來

上國伴貢赴

幽都言語從人辨衣冠志俗殊同牀聯使介

寢同牀

朋飲失

官奴

食同坐

柔遠

天恩重肯教滯旅途

厲祭

百族荷

天恩乘秋弔古原典非同望祀情適類招魂蔓徑陰風冷

荒山亂塚存不堪延望處
燐火入黃昏

爲畏雷者戲賦

昨李公自越州哨過見一人伏地疑死告予急遣人往探則畏雷不敢起

爰賦以志之

僵臥意神驚聞雷不欲生
他年逢孝子繞墓作呼聲

秋夜

兀坐夜沈沈相思觸景深
三更喜邀月萬里怯聞砧
池泛游魚影庭餘桂樹陰
明朝須聽訟敢自詡鳴琴

計子姪輩已赴濟南鄉試

煙分九點古齊州三載科名試
壯游滿路黃花催處暑一

林丹桂發新秋明湖載酒風連港北極聯吟雪滿樓鵲岫
華峰雙競秀厯亭高處片雲浮

諸葛山弔古

在馬龍界上有石寨
俗傳武侯屯兵處

南人不反懾天威千古英靈是耶非銅鼓無聲泉漱澗陣
雲不斷石成圍蠻煙瘴雨勞擒縱羽扇綸巾任指揮諸葛
大名爭竊據荒山角下仰前徽

偕同人登城上閣

拾級高凌城上頭彈丸黑子界南州饒多興會惟吾輩占
盡風光是此樓四面雲山迷牧徑一天煙雨失汀洲望淮

古琅邪不復今三載腸斷鄉關憶舊游
南城樓

爲稱海者辨誤

滇中積水處皆稱海子諺云一灣止水皆稱海萬丈高山只喚坡

夏蟲難語冰蜀犬狂吠雪坐井觀天曰天小子虛烏有傳
臆說迢迢透迤來南滇閱盡諸水與羣山高下稱名多失
寶坡或千仞海一灣昆池雅擅巨津望苴蘭城外接浩蕩
週圍不過三百里太華峰頭現全相儂住魯甸東復東嘗
從日觀看朝宗瀾天漫地無涯涘扶桑何處鏡磨銅循名
貴實訝不類百谷之王談何易徐市空爲尋仙行三山縹
緲無人至拔劍斫地奮欲歌我歌定與人殊科納盡百川

受盡河茫茫滄瀛一白波氣結蜃樓幻景多瀾湧潮汐走
蛟鼉地陷東南坤維頗江湖非偶矧其他噫吁嘻胡爲以
譌相傳譌歌罷四座悄無言今日方知大海尊箇中所見
有如是觀於海者難爲水

摘草行

滇俗秧栽後拔草二次婦女立水
田中男子不多見以多力役故也

田鼓一聲剛見日有女如雲梳洗畢三三五五結爲羣共
向東郊水中立新秧插遍未長成恨煞稂莠漸蒙密頻摘
惟憑手纖纖褰裳挽袖費据拮逢人含笑咸俯首迎風斜
帶竹雨笠臨岸呼問主伯誰低聲爲言差務急上下走遍

迤東路一呼不應鞭扑集終年奔波無休歇那有餘力事
稼穡我見其人已怵怵我聞其語更惻惻幽風無逸繪爲
圖男耕女饁各分職不主中饋在中央坐令紅顏休蠶織
吁嗟乎何不少寬力役征使此漢婦夷妻蒙安息

驗馬

屑屑奔騰役未休庸知廐駟少驂騮名高照白毛形異望
重乘黃氣骨邁冀野空羣逢一顧宮門鑄像式千秋鹽車
旣脫增聲價肯使長才歎不收

重赴曲靖府作

廿里茶亭道重來近月餘山雲連樹暗秋色入空虛唧唧
蟲吟草飛飛燕掠渠西風吹漸冷憑軾悵居諸

山行

山當四面翠如圍滿眼青蒼一徑微懸瀑浮空隨石澣流
雲戀洞傍輿飛芒鞋浥露樵初過竹笠飄風牧未歸擬向
采苓深處去手中藥鏟不停揮

新樓房借宿

迤邐來荒村借宿遇楊叟門無長者車宅樹先生柳相逢
不相識避吏欲卻走致意始出見龐眉而皓首自言厠儒

冠無成愧老朽家鮮終歲蓄薄田僅百畝國課必早完累
歲絕逋負三子憑舌耕一經尙能守童稚候迎門大小各
成耦優游終餘年此外非吾有田家足雞黍恐不足適口
少閒致遑遑進退良不苟人語挑燈前牛來夕陽後紬繹
茲風規耕讀世業久閒步看山色零星盡培塿四面不斷
青爽氣入戶牖之子良可懷同心卽爲友移時竟不來且
自酌尊酒

再宿新樓房

早去復晚來荒村路已熟青山聯四面彷彿到盤谷稚子

不避吏隔牆露修竹室中榻猶懸解帶釋拘束奉匱致殷
勤聊以快湯沐原如舊相識再至何用速杯酒共盤桓日
落然明燭回憶西山役此去幸不辱丈人喜未行矢口歌
宿宿

十七晚月

向晚臨清流驪珠現圓折扶藜子細看滿中微見缺舉頭
望長空怡然心相悅團圓飛明鏡照耀中秋節相去再經
宵抑損露毫髮天運隨消長何須驚咄咄盈極當防虧願
君鑒明月

自責

惆悵西風意未安
宦途涼薄悔彈冠
過時自笑聽言易
入世方知行路難
魍魎安容同日月
豺狼應別有心肝
責人要不加修己
莫怨相逢誤與歡

與潘公小飲

渠馬龍本任因赴廬運銅過署前在京有故留與共飲

知己相逢意未休
開尊滿泛小橋頭
星河萬里訂新譜
風

雨連朝憶舊游

八年春同在京大雨雪

案牘塵封應盡意

時正情理舊案因爲

就正簡書期迫莫淹留

赴廬期緊

神君有頌遙相待
代斲恐貽傷

手羞

接李羅平書

憶昔相見長安年季倫意氣雅翩翩日月雙丸驚易逝宦迹重逢滇海邊通泉於儂爲再試宛溫於君爲舊治

始回原任

鄰封相知不相見往返各以書道意忽聞特地有倅來捧簡趨進竹簾開展閱如晤故人面款洽猶溯黃金臺自慚對鏡渠非少脈脈此心兩相照歷時應會郎郡

曲靖府名

閒彼

我相見拍掌笑

秋夜

授衣期迫怯孤衾一段相思入夜深新句題成人盡睡滿

城風露響清砧

怕雷井

郡有古井水津津溢出每聞雷聲便訕然而止俗因名怕雷云

吾聞滄海之水有信潮風雨離合不崇朝波翻浪湧頃刻
至沙明水淨立時消當前原自有主宰去非因麾來非招
閒居偶披輿古志龍潭靈湫在在是內有一井忽怕雷稱
名不經堪咤異今歲入夏多陰天偶從山下問流泉忽然
一聲奮地起盈盈退舍不敢前或是此中宅怪物夙驚霹
靂學螭屈小作游衍心仍怯駭之卽止過時出又或此窟
通昆湖旁支淫溢泛明珠天威震懾開原竅潛伏不使溟

海枯扶杖凝神費幽討大者江漢小行潦似此消長見亦
少造化氤氲致難曉惟有臨井大呼道水哉水哉爾太膽
小

清案

轉瞬不知秋過中桂花猶香薇猶紅閉閣暫謝簿書責飲
酒賦詩萬慮空日前奉檄清積案舊牘凝塵累重重雀角
鼠牙多疑義情僞百計難遽窮耳聽手判恐貽悞哀矜勿
喜貴折衷可輕可重迹雖異孰是孰非理則同蒲鞭示辱
民從化敢以擊扑逞威雄獄成欲上庸三思出入皆爲譴

之叢沐手臨封再翻閱只求無過不求功聽訟宜得法外
意遙遙千載一于公

懷丁蘭洲

何人年少最風流把臂談心恰唱酬馬齒敢言增一倍玉

姿不啻隔三秋琴堂雅化從新布

曾篆呈貢

翰苑家聲依舊留

其嚴官翰林

萬里相逢期共醉

公好飲

同鄉誼復切同舟

九朔城外作

無邊秋色自西來陣陣涼風不住催
鴝鳥已歸陽鳥至桂花方謝菊花開
撫時默寓張衡意對鏡遙憐宋玉才
忽憶

登高佳節近故鄉里左一荒臺

遣興

一雨經三月胡爲更作陰雲高知霽轉葉落覺秋深遣興
尋籬菊思鄉聽暮砧如弓弦乍上隱隱出前林

雁來

聲類塞雁而項長
毛黑亦秋南春北

賓鴻不負菊花黃關塞迢迢計路長漢水已經來洱水衡
陽旋過到滇陽半天陣結迷斜日萬里聲寒帶早霜羨爾
高飛排字處橫風疾雨自成行

晚憶百城姪行程

卷慢月如鉤懷人獨倚樓約期剛應節計路已登舟沅水
千帆疾荆山萬木愁忽聞吹畫角一夕滿鄉愁

過城南蘭若

梵宇俯城隈偷閒特地來松枝低壓砌甃路滑生苔野雀
驚還起山僧出未回啟扇容小憩滿院菊花開

丁卯生日作

每逢此日憶懸弧萬里風煙隔故都歲月積成新甲子雪
霜改變舊頭顱尊開北海空滋擾壽詠南山反近諛謝盡
將迎惟臥病官窮費不任庖廚

元旦坐朝作

泰啟三陽兆歲豐朝元閣下會羣工

天威不隔

龍光近葵愔聊申虎拜同

金殿燭明輝曉日

御爐香靄動和風一年

慶惠今朝始

聖德彌綸無外中

開爐日作

財源混混荷天庥合土范金舊制留一馬何曾遺惠政三
南豈必盡窮州禁疏園府堪嗤漢式著泉刀自效周閒立

荒坡

廠地名

高處望爐煙真共曉雲浮

讀宋荔裳禮佛詩有感

宋子辭賦客著作邁前朝偶披禮佛篇黯然意魂銷無父
嗟何怙易簣逢一朝九泉不可作音容歎卽遙祿養弗及
時樹靜苦風搖薄宦走天末燎灑恃弟曹側聞墓門樹蒙
茸白日高此心真闕如瞻望誦劬勞簞簋好自飭清白勵
吾操罔極恩難報令名豈倖邀永念風人意傷懷茲與蒿

不忍卒讀處急淚雨瀟瀟

春眠口號

遲遲晝景長人臥花陰裏黃鳥一聲聲頻呼慵未起

閩州志偶成

時攝篆
路南

閒披路志意茫然硐老山空自昔傳寄語他年重輯手憑

將冒水入新編

冒水硐
新出銅

掘井

旺廠臨荒坡擇吉立公廨草創悉有端數里隔澎湃僕僕
日往來難償道路債山下疑有泉占易列坎卦腰中出佩

刀畫地以爲界掘井期及泉得水乃稱快勗哉各努力九
仞懷前誠祈禱如效靈願下耿恭拜

住廠口占

編茅爲宇棘爲籬盡日喧嚷無息時偶向忙中尋樂事三
杯濁酒一篇詩

風烈

韶光旖旎何處見等閒識得東風面桃李著花爛熳開鼓
物任德不任怨胡爲數日作大惡烈烈不住無早宴散步
尋芳到河干綠流飛盡紅白片一時吹土颺爲塵天昏地

暗乾坤變一時震木翻成濤千艘萬艫習水戰視之有迹
聽有聲封姨威福專自擅稔聞在昔滇多風於今始知若
符券况復入春雨澤稀迅送流雲過郊甸我欲搔首問風
伯大王之雄何時倦

收銅日作

煎銅已有效模範象規圓漫藏懍誨盜茅屋備數椽卜日
逢春仲當廠一衡懸按號相編紀輸納分後堯輕重原有
定上下總無偏記貨酬以價公私本兩便是誰典守者管
鑰尙慎旃收入豐盈庫源源濟寶泉

逢大計作

察吏逢期大計嚴官箴自飭暗猜嫌通泉路匍窮州等撫
字催科上攷兼一筆遙憐同室哭三年永矢小臣廉幽明
陟黜從論定采入輶軒不用占

思弟

樂事家庭備離情觸緒牽嗟予昆與季相隔日如年枕被
驚新夢壘篋憶舊緣不堪高望處歷歷雁行邊

題退思齋詩集

新編貺我日三周體國奉公言外求若向騷壇賡古調同

聲自有韋蘇州

見霜

閒雲數點罩山城
謁廟歸來天正晴
曙色瞳矐人迹少
板橋一色看霜明

施生來

翩翩年少氣凌雲
半載長安悵袂分
尊酒暫留相促膝
梅花閣上細論文

堂前松

嘉樹堂前植亭亭
獨耐冬何當矜晚節
不負後彫松

赴水井坡作

偁除厥未開憂思結耿耿求得一善地駕言出東嶺去城
十餘里有坡名水井昔年曾豐旺所慮惟水猛兩峰恰對
峙隔岸顯秀整時至寶自興水退工應省卜日事采辦盈
尋露美礦細流出涓涓相顧莫失驚人可勝天汲深恃
修綆憶昔漢將軍掘地開異境可湧亦可枯願向元冥請
神靈資呵護一勺莫妄逞

遷苗行

人生驅以類重遷將毋同父母生長地誰樂走西東昨出

郭郭外紛紛異青紅蓮首兼跣足流離道途中竊喜知禮
節阿少負衰翁衣服雖有異言語尙可通駐策相問訊自
訴生黔封行未出百里不幸遇歲凶顆粒無收貯貲產蕩
一空求生生不得避地欲就豐離家經多日餓糧漸不充
艱苦恐難達單芒禦北風悠悠响町路何心問始終聽畢
三歎息長民豈贖聾殊俗同一視
皇仁首困窮開倉恣賑濟救荒
惠澤隆何當聞長吏列狀達

宸聰

檢舊衣

南來行李不盈箱
萬里相隨忍暫忘
寄語奚奴重檢點
新衣那比舊衣長

到古城

市值豐年百貨陳
追呼不事少頑民
絜瓶微醉歸來早
十入村中正賽神

覽鄉規牌有感

昨過山村路駐策
細端詳白簡書新字
語語話家常立規
期共守約法凡幾章
彷彿周官義睦嫻
見俗良播穀及春

伸引水禁曲防良苗經夏長踐履戒牛羊秋深秔稻熟同
井助守望冬夜虞草竊擊柝按戶忙東阡與西陌彼此慎
其疆歲暮急乘屋好樂謹太康勤儉傳世業男耕女爲裳
遺秉兼滯穗寡婦飽餘糧緩急期互濟貧富兩相忘歲暮
舉飲酒異席長者行延師教句讀黨塾縣書香衣冠必求
衷佻達莫自強築圃完國賦春酒躋公堂德邵爲鄉督請
命不可妨終重以要言餘慶兼餘殃有條復有理反覆意
味長里仁斯爲美法戒兩昭彰率此誠不改化行先一鄉
願書置座右傳布示四方

易市屯佛寺小住

路封餘百里易市此初來三郡分疆處羣山積翠隈禪林
明夕照寺院長碑苔忽憶將除歲田租暫緩催

接差抵關嶺

越宿不暫停迤邐抵關嶺石磴疊盤盤險峻驕日影涼煙
霄峰腰徑偏風益猛上有武侯松秀色冠山頂粵稽蜀漢
年南人妄思逞將星指瀘水八陣暇且整諸軍各奏功攻
心定蠻境父老念遺勲建祠竊有請卓哉古之人人與地
俱永有生貴不朽何爲老邑井惆悵暮烟紫悄然獨引領

再過小彌勒寺看茶花

越宿重來已著花
慈雲高護燦流霞
禪林不與東風約
早占春光一樹茶

住溫泉寺

梵宇憑高遠市廛
叩關徑入續前緣
於今再至仍冬日
自我不來已隔年
檻外溪流隨磬響
樓頭月鏡印潭圓
雲濤勝地宜新浴
觸境長懷第一泉

再過彌勒寺小住

聽法憶前因
登臨不厭頻
往來經過處
信宿未歸人
曉色

連山動炊煙接市新詰朝客小住暫借息征塵

閨怨

愁思入夜長隔牖挹清光萬里無情月誰教照妾牀

封篆後一日三首

暫違鞅掌謝風塵獨步蕭齋日幾巡遺案付兒重檢閱乃翁聽訟可猶人

運啟青陽逼歲除優游杖履意神舒連朝閉閣渾無事手把兒童教學書

未雨綢繆敢自寬斯征期邁愧雙九賓朋也知予心事強

引前春作倒觀

奏摺回感賦

作吏來荒服屈指已四年
厯牧衝疲地州窮守自堅
路陽兼銅務采山試鍊煎
五老久衰息心旌日懸懸
菁華何處毓踏訪遍層巔
大地不愛寶冒新二廠連
丁眾各努力湧出若流泉
自春及徂夏礦旺火亦然
計萬餘三百額加兩者全
按月登冊報運備無遲延
上憲軫屬勞保薦列奏篇
著照所請行

詔旨由中傳車服榮五馬
越級賜超遷萬里承

異命

王言綸綍宣自顧藐茲躬豈曰果能賢微勞不遺賞

聖恩浩無邊小臣在下風感深涕欲漣報稱將何以望

闕頌如天

寫家書

遠倩河魚一紙難拈毫吮墨思無端書成轉覺多遺忘直
到臨緘反覆看

除前一日作

越宿此年除盤桓賦獨居靜尋花外味閒繹案頭書末吏

承

恩日新

綸沛澤初如天
思獻頌報稱愧無餘

迎春二首

兒童竹馬上堂來
花鼓喧喧亦樂哉
歌唱太平相導引
奎星閣外迓春回

莫將消息問東風
萬里韶光一氣通
瑞驗土牛春早到
郊原延伫日融融

除夕

北斗闌干入望賒明朝今夕異年華鄉關萬里終爲客婦
子同堂卽是家酒出中藏憑挹注惠分弱小任喧嘩撫時
別有關心處鴻雁高飛天一涯

鞭春

履端應節樂無偏好向文牛共著鞭儼相爲儂傳吉語和
風甘雨兆豐年

到湯池

入店早登樓推窗萬景收一灣新浴水依舊抱村流

近省

省會足人煙春來已隔年夕陽明晚照望入五華巔

眷屬將北歸

荒署寄孤蹤室家未及召斗聞來省余萬里走老少妻子
翕一堂杯酒發長嘯奄忽再經年言旋如意料先期戒行
李匱之一一告除卻鶴與琴攜取由汝好時維暮之春旭
日中天照芳草自萋萋處處畫眉叫渡水兼登山輿載帆
爲導若逢陰雨夕少安且勿躁長途應按程閭門計日到
不如早還鄉此義何須較欲歸則竟歸相送祇一笑

眷屬起程日作

東裝班馬不聞聲萬里鄉關第一程骨肉追隨無遠道春
光旖旎好遐征閒雲淡淡黔山簇紉浪溶溶楚水平約計
停驂良有日家書裁就莫留行

過石林書屋

此五見等讀書處也
今去矣過之有感

散步空庭曳履行湘簾半捲感離情落花滿地風敲竹隔
牖如聞課讀聲

午睡

春日遲遲晝景長簿書無擾踞胡牀手披班史身慵甚一
段閒情付海棠

寒食後五日作

方挂詩瓢旋酒瓢
朋吟共醉萬愁消
東風故故垂楊岸
計過清明又幾朝

思弟

白髮暗相侵
睽違計日深
半生翕聚意
萬里別離心
寂寂春華歇
寥寥雁影沈
思家與念遠
兩地共沾巾

訪段山長

官廨苦鞅掌
言踐講學地
中有素心人
課誦無餘事
南面擁皋比
諸生各問字
叩鳴與觸發
崇論出人意
衡文無定

格濃淡清奇備甲乙分兩部點竄談何易大匠無廢材化
育各以類文教日蒸蒸白鹿典型寄英華具少年頭角崢
嶸異聲譽蜚鬢宮春秋祇一試郁郁兩漢香便便五經笥
下筆輒千言大文醕以肆傳誦遍三迤洛陽紙屢貴非獨
優於學亦且長於吏仕吳宰劇邑所過皆稱治丁年失軒
冕超然遠名利案牘多蓄疑就正時一至明鏡仰高懸折
獄引經義往復得其情徐徐露風議不愧爲師友庶幾莫
予棄如肯惠然來花月共吟醉空谷想足音非公可曾未
長此挹芳芬高風焉能致

河陽道中

千年韻事屬潘家
異地同名兩不差
莫笑滇南多俗吏
河陽道上正看花

憶行人渡洞庭湖

臨沅閣下易輕舟
巨浸蒼茫憶舊游
楚水中分雲夢澤
君山遙對岳陽樓
溶溶細浪隨風動
渺渺孤帆帶雨收
百里洞庭倏既濟
推窗南望幾回頭

妙香齋詩集卷三終